

ՄԵՍՐՈՊ ՄԱՇՏՈՑԻ ԾՆՆԴՅԱՆ 1600-ԱՄՅԱԿԻ ԱՌԹԻՎ

Նկատի ունենալով հայ գրերի ստեղծող և դպրության հիմնադիր Մեսրոպ Մաշտոցի մատուցած վիթխարի ծառայությունները հայ ժողովրդի կուլտուրայի զարգացման գործում, Հայաստանի Կոմունիստական պարտիայի Կենտրոնական Կոմիտեն և Հայկական Սովետական Սոցիալիստական Ռեսպուբլիկայի Մինիստրների Սովետը որոշեցին 1962 թվականի մայիսի երկրորդ կեսին նշել հայ գրերի ստեղծող և հայ դպրության հիմնադիր Մեսրոպ Մաշտոցի ծննդյան 1600-ամյակը:

Ստեղծված է այդ նշանավոր տարեկիցը անցկացնող Ռեսպուբլիկական հորեկյանական հանձնաժողով, որի նախագահն է Հայկական ՍՍՌ Մինիստրների Սովետի նախագահ Ա. Քոչինյանը: Հանձնաժողովի կազմի մեջ մտել են մեր Ռեսպուբլիկայի պարտիական ու պետական գործիչներ, գիտության, գրականության և արվեստի ականավոր ներկայացուցիչներ, հասարակական կազմակերպությունների և մամուլի աշխատողներ:

Քննարկելով այն միջոցառումները, որ նախատեսվում են անցկացնել համաժողովրդական այդ տոնի առթիվ, Ռեսպուբլիկական հորեկյանական հանձնաժողովը որոշեց Մեսրոպ Մաշտոցի ծննդյան 1600-ամյակին նվիրված հանդիսավոր նիստը հրավիրել մայիսի 26-ին, Երևանում: Հորեկյանական հանդեսին կմասնակցեն հյուրեր Մոսկվայից, Լենինգրադից, միջինասիական Ռեսպուբլիկաներից, ինչպես նաև արտասահմանյան երկրներից: Հորեկյանական հանդիսավոր նիստեր կհրավիրվեն նաև Լենինականում, Կիրովականում և Աշտարակում:

Հորեկյանի օրերին Հայկական ՍՍՌ շրջանային կենտրոններում, քարձրագույն ուսումնական հաստատություններում, Գիտությունների ակադեմիայում, Երևանի Պետական Մատենադարանում, դպրոցներում կկազմակերպվեն գրական երեկոներ ու զեկուցումներ՝ նվիր-

ված Մեսրոպ Մաշտոցի ծննդյան 1600-ամյակին:

Հատուկ գիտական սեսիաներ տեղի կունենան Հայկական ՍՍՌ Գիտությունների ակադեմիայում և Հայկական ՍՍՌ Մինիստրների Սովետին առընթեր չին ձեռագրերի գիտահետազոտական ինստիտուտում՝ Մատենադարանում:

Գիտությունների ակադեմիայի Դրականության, Լեզվի, Պատմության, Հնագիտության և ազգագրության ինստիտուտների, Փիլիսոփայության և իրավունքի, Արևելագիտության սեկտորի գիտական աշխատակիցները կկարդան մի շարք զեկուցումներ և գիտական հաղորդումներ («Մեսրոպ Մաշտոցը և հայ գրականության սկզբնավորումը», «Կորյունի «Վարդ Մաշտոցի» գիրքը», «Մաշտոցը հայ ժողովրդական բանահյուսության մեջ», «Հայ գրերի գյուտը եվրոպական և ռուսական հայագիտության գնահատմամբ», «Հայ գրերի տեսակների զարգացումը», «Մեսրոպ Մաշտոցը և նրա ժամանակը», «Մեսրոպ Մաշտոցը և հայ-ասորական կուլտուրական կապերը», «Մեսրոպ Մաշտոցը և V դարի պարբերը» և այլն):

Մատենադարանի գիտական սեսիայում կլսվեն զեկուցումներ «Գրերի գյուտը և հայ միջնադարյան բանաստեղծությունը», «Հայ հին խորհրդանշական գրականությունը», «Մեսրոպ Մաշտոցի անմիջական աշակերտները», «Հայ տպագրության 450-ամյակը» և այլ թեմաներով:

Հորեկյանի առթիվ Հայաստանի Պետական Հրատարակչությունը, Հայկական ՍՍՌ Դիտությունների ակադեմիայի և Երևանի Պետական համալսարանի հրատարակչությունները լույս կընծայեն համապատասխան գրքեր ու աշխատություններ: